


DOMINICVS BAÑES
SACRAE THEOLOGIAE
SALMANTICAE
PROFESSOR,
PIO LECTORI SALVTEM.



OTVISSEM quidem ego, multò antea Com-
mentariorum in Primam totam Partem An-
gelici Doctoris librum in publicum edere; si
non plura, quàm quæ à nostris Scholasticis
Theologis hæctenus super posteriores Quæ-
stiones obseruata atque dictata, imò etiam prelo mandata
sunt, desiderarentur. Quamobrem in mentem uenit com-
mune illud prouerbium, Sat cito si sat bene. Statui ergo per
annos ferè quatuor quantum temporis, & spatij ab studijs
pro quotidiana Primarię Cathedrę lectione necessarijs eri-
pere potui, totum id in inquisitione & dispositione, nec non
profundiore meditatione earum rerum quæ ad grauissimas
difficultates insinuandas & dissoluendas pertinere uideren-
tur, impendere. An uerò id assequutus fuerim, aliorum, qu'
nostra scripta sincero animo legerint, erit iudicium. Aduer-
tat autem pius Lector quatuor esse præcipua ac difficilia, que
in hoc opere pertractantur. Principiò quidem, à Quæstione
sexagesima quinta usque septuagesimam quartam, De opere
sex dierum, hoc est de Mundi opificio, quæ à Sanctis Patri-
bus, & posterioribus Doctoribus dicta inuenimus, referun-
tur: & interdum modestè expenduntur & diiudicantur. Se-
cundo loco à Quæstione septuagesima quinta usque octuage